

UGOVOR

Br: 0602-1494-6/19

o nabavci licenci za informacijski sistem za terensko prikupljanje i kontrolu podataka o grobnim mjestima (aplikacija)

UGOVORNE STRANE

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)
ID broj: 4200119040004; Porezni broj PDV: 200119040004;

DOBAVLJAČ: AXIOM d.o.o. Čakovec, Bana Josipa Jelačića 22b, kojeg zastupa direktor Jerko Spahija (u daljem tekstu: Dobavljač)
OIB broj: 07795389714;

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog Direktnog sporazuma za javnu nabavku roba - Nabavka licenci za informacijski sistem za terensko prikupljanje i kontrolu podataka o grobnim mjestima (aplikacija), prihvaćene Ponude Dobavljača broj 0602-1494-3/19 od 24.04.2019. godine i Odluke o izboru najpovoljnijeg dobavljača broj 0602-1494-5/19 od 25.04.2019. godine.

PREDMET UGOVORA

Član 2.

Predmet ovog Ugovora je nabavka informacijskog sistema za terensko prikupljanje i kontrolu podataka o grobnim mjestima (aplikacija).

- Softverski modul za sinhronizaciju podataka s pametnim telefonom posredstvom „cloud“ infrastrukture (s desktop računala s bazom podataka IS Axiom Memento u „cloud“ i potom preuzimanja na pametni telefon iz „clouda“ i obrnuto);
 - Instalacija softvera na 2 pametna telefona udaljenim pristupom, jednokratno dodjeljivanje i konfigurisanje softvera i „cloud“ infrastrukture;
 - 2 licence za pravo korištenja softverskog modula za terensko prikupljanje i kontrolu podataka.
- a prema prihvaćenoj ponudi dobavljača sa specifikacijom roba, koja čini sastavni dio ovog Ugovora.

UGOVORENA CIJENA

Član 3.

Ugovorena cijena za robe iz člana 2. ovog Ugovora iznosi:

Cijena robe koja je predmet ovog Ugovora bez PDV-a iznosi 2.933,74 KM
Jedinične cijene date u ponudi ostaju nepromjenjive za vrijeme trajanja ugovora.

PLAĆANJE

Član 4.

Ugovorni organ će plaćanje cijene iz člana 3. ovog Ugovora, izabranom Dobavljaču izvršiti u roku do 15 (petnaest) dana nakon prijema uredno ispostavljene fakture za isporučenu robu, na transakcijski račun naznačen na fakturi. Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Dobavljač se obavezuje da će isporuku robe definisane Članom 2. ovog Ugovora izvršiti u roku od 5 (pet) dana od dana obostranog potpisivanja Ugovora od strane ovlaštenih lica ugovornih strana.

UGOVORNA KAZNA

Član 6.

U slučaju kašnjenja u isporuci roba do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

GARANCIJE

Član 7.

Dobavljač garantuje da će isporuka definisana članom 1. ovog Ugovora biti kvalitetna, prema datom Obrascu za cijenu ponude, isporučena u roku i da je roba prve klase.

Date reklamacije u trenutku primopredaje robe, Dobavljač je dužan da uvaži i u najkraćem mogućem roku otkloni nedostatke.

OSNOVNE OBAVEZE DOBAVLJAČA

Član 8.

Pored obaveza predviđenih važećim propisima, Dobavljač je posebno dužan da isporuku iz člana 2. ovog Ugovora izvrši stručno i kvalitetno, u svemu prema datoj Ponudi.

OSNOVNE OBAVEZE UGOVORNOG ORGANA

Član 9.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 10.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne isporuči robu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje, niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 11.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 12.

Ugovorne strane su saglasne da se na sve što nije regulisano ovim Ugovorom, primjenjuju važeće odredbe Zakona o obligacionim odnosima.

Član 13.

Ovaj Ugovor stupa na snagu nakon obostranog potpisivanja od strane ovlaštenih lica ugovornih strana.

Član 14.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

UGOVORNI ORGAN
KJKP „POKOP“ d.o.o. Sarajevo

Direktor, Goran Cerić



Broj, 0602-1494-6/19
Sarajevo, 26.04.2019.god.

DOBAVLJAČ
„AXIOM“ d.o.o. Čakovec

Direktor, Jerko Spahija



AXIOM D.O.O. ZA RAZVOJ I PRIMJENU
INFORMACIJSKIH TEHNOLOGIJA

Broj, _____
ČAKOVEC
Čakovec, 02.05.2019: god.